



GEorgius apud Sueuos in Eſeingē natus & educatus eſt. Is à teneris annis operā literis dedit, & liberales artes egregiè didicit. poſtea Theologiae incubuit, atq; in ea facultate plurimū profecit. huic eruditioni coniunxit uitæ integritatem atq; naturalem eloquētiā. Id cum Albertus Bauarię princeps intellexiſſet, eum ad ſe uocauit, atq; concionibus ſuę curiæ præfecit. Itaq; Georgius eā uitæ conditionem ſuſcepit, atq; uitia hominū magno zelo corripit. quin etiam ob peruerſos hominum mores uenturam Dei iram prænuntiat & poenitentiam urget, id quod tanta ſeueritate & certitudine, ut à multis inſtar Prophetæ in Bauaria habeatur.

Vnde cum Monachiꝝ 1565 eſſem, doctiſſimi uiri eum mihi commendarunt, atq; uarias eius uirtutes prædicarunt. Anon.